

opten menschen en hie sal sie nemen  
 toe ghenade **D**oe antworde onse lieue  
 here en sprach aldus **L**ieue moeder dy  
 begheerte wolde ick gheerne doe en  
 dyn ghebeth horen weert niet teghe  
 die waerheit die die scrift ghesproken  
 heft van my datmen tellen moet al  
 mijn ghebeente. wat ellick ghebeete  
 in mijn licham moet sonder lighe pi  
 ne en slaghen ontsaen. myt een droppe  
 mach dat niet ghenoech sijn. die pph  
 ten ende figuren moten alle vulbracht  
 worden in my **D**oe **maria** mercte dat  
 sie myt die eerste noch anderde bede  
 niet wynen en mochte **D**oe voernam  
 sie dat derde ghebeth en sprach **m**ijn  
 lieue kint ghedenck dattu gabel den  
 enghel sandest toe my die my sede **h**ies  
 ghegruet sonder wie en ick weet wal  
 dat hemel en eerde eer solden vergaen  
 eer dyn woert niet waer en bleue en  
 du vners liiden wilste de sware siet